



المصدر: الأهرام

التاريخ: ١٩٧٧/١/٢١

مركز الأهرام للتنظيم وتكنولوجيا المعلومات

السادات يدعو الى تصحيح مسار الجامعات ومفهوم العمل السياسي داخلها
الدولة ومراكز القوى افسدت - قبل ٧١ - القيم عندما سمحت لشرادم محدودة أن تهدم تقاليد الجامعة
الرئيس يحدد في لقائه بالمجلس الأعلى للجامعات:

المنطلقات الأساسية لاصلاح جامعى جديد

□ الجامعات أماكن لتلقى العلم
ولا مكان للاضراب أو التظاهر أو الاعتصام

أطلب من هيئات التدريس أن تخرج من صفوفها
كل من يتعاونون مع هذه الشرادم المحدودة

فى لقسائه أمس بأعضاء المجلس الأعلى للجامعات والذي استغرق ساعتين - دعا
الرئيس السادات الى تصحيح مسار الجامعات ومفهوم العمل السياسي داخلها :
مؤكددا على ضرورة الحفاظ على استقلال الجامعات بحيث ينبع الاصلاح من داخلها .
وحدد الرئيس السادات فى كلمته الاسباب الملحة التى تدعو الى سرعة انجاز هذا الاصلاح



مركز الأهرام للتنظيم وتكنولوجيا المعلومات

الجامعى فى ٣ امور اساسية .

أولا : أن الدولة ومراكز القوى أفسدت قبل عام ٧١ القيم عندما سمحت لشرادم محدودة داخل الجامعات أن تهدم تقاليد الجامعة وأن الخطأ كان منذ بداية الثورة لأنها لم تضع مفاهيم جديدة لدور الجامعة ومفهوم العمل السياسى داخلها بدلا من تلك التى كانت سائدة أيام الاحزاب القديمة .

ثانيا : أن اقلية محدودة من الطلبة استشرت جو الاىن والديمقراطية لنشيع الفوضى فى الجامعات على حساب القاعدة العريضة من الطلاب الذين يتوقون الى تحصيل المعرفة - وأن هذه الاقلية المشبوهة تنسد رسالة الجامعة كمكان لتلقى العلم يتم الاتفاق عليه من عرق الفلاحين والعمال ودانعى الضرائب

ثالثا : أن هذه الاقلية المشبوهة التى قادت حملات التشكيك ضد كل شىء قبل معركة العبور حى التى سمعت أخيرا الى تنفيذ مخطط تخريبى متكامل لاحراق القاهرة واحداث فتنة واسعة فى البلاد تخطط لها وتستفيد منها قوى خارجية معروفة .

كذلك حدد الرئيس السادات - بعد استعراض كامل لمسار العمل السياسى داخل الجامعات منذ عام ٧١ وحتى يناير الماضى - عددا من المنطلقات الاساسية للإصلاح الجامعى الجديد ، داعيا أعضاء المجلس الاعلى للجامعات الى سرعة دراستها وانجازها فى قواعد تكون معروفة للجميع قبل أن تفتح الجامعات أبوابها فى ١٢ فبراير القادم

وفى تحديده لهذه المنطلقات ركز الرئيس السادات على الحقائق التالية :

① أنه لا عودة عن استقلال الجامعات وأن الهدف الاول هو أن تصبح كل جامعة مؤسسة مستقلة ينبع الإصلاح من داخلها .

② أن الجامعات والمعاهد أماكن لتلقى العلم ومن ثم فلا ينبغى أن يكون هناك اضراب أو اعتصام أو تعطيل للدراسة ، أو تحريض على تعطيل الدراسة ، لاننا ننفق على هذه الجامعات من عرق العمال والفلاحين .

③ أنه لا ينبغى أن يكون هناك مكان للخارجين على الاخلاق والقيم العامة داخل صفوف الجامعة حماية للقاعدة الطلابية العريضة التى رفضت الإنسياق لهذه الشرادم المحدودة .

④ أنه ينبغى على هيئات التدريس الجامعية أن تخرج من بين صفوفها كل الذين يتعاونون مع هذه الشرادم المحدودة

⑤ أن من حق الطلاب ممارسة العمل السياسى ولكن من خلال قنواته الاساسية المتمثلة فى الاحزاب ، باعتبارها أوعية النشاط السياسى بحيث تبقى رسالة الجامعة ، العلم ، والعلم وحده .

وفى ذات الكلمة كشف الرئيس السادات ، ابعاد التحرك المشبوه لهذه الشرادم المحدودة داخل الجامعة ابتداء من عام ٧١ وحتى ٢٥ نوفمبر الماضى - عندما خرجت مظاهرة من ٢٠٠ طالب الى مجلس الشعب ، تصاول اثاره الجماهير وسائقى النقل العام وتجمعات المواطنين أمام محطات الاوتوبيس ولكن الجماهير رفضت أن تنساق الى هذا التحريض المشبوه .

وقال الرئيس السادات أن هذه الشرادم المحدودة حاولت أن تجد فى قرارات الاسعار الاخيرة فرصتها ولقد أوتقت هذه القرارات لإيقاف الفتنة ، ولكن ما ينبغى أن تدركه جميعا أنه لا بد من تصحيح المسار الاقتصادى سوى الخراب ، وأن علينا معها كانت المصاعب أن نصلح هذا المسار لأنه من



مركز الأهرام للتنظيم وتكنولوجيا المعلومات

أبدا القاعدة الطلابية أبدا .. انضائية النهارده باهيش القاعدة الطلابية اللى يتعمل هذا ولكن أقلية استثمرت جو الحرية وجو الامن وجو انتهاء الإجراءات الاستثنائية وكان الامر المضحك أن بعد ده كله اللى تم فى ٧١ تبتدى تحركات الناس دول داخل الجامعة انه مايفيش حريات والمعتقلات والمعتقلين .. وكان امر مضحك لما كان يجنبني بروقيات كنت باضحك فعلا فين هي المعتقلات وفين هم المعتقلين لا معتقلات ولا معتقلين بعد ٧١ .

بعد مايو ٧١ تكلم عارفين وبسيادة القانون فوق كل شىء وفى بعض هذه الحوادث لما قبض على الطلبة قدموا للنيابة وما وضعوش لاشى مفسكر اعنقال ولا بامر عسكري ولا ابعدوا أبدا بل اكثر ، توفر لكل واحد فيهم الحق اذا اتخذ ضدده اجراء انه يشتكى للمحكمة واشتكى بعضهم لما الجامعات اتخذت ضددهم اجراءات من راقع القوانين والتقاليد الجامعية لما اتخذ ضددهم اجراءات من الجامعات اتسكوا للقضاء وكان غير مسموح ذلك قبل ٧١ اتسكوا وعادوا لجامعاتهم بأحكام .. شىء غريب فى ٧١ الحرية والديمقراطية والدكتاتورية وكل اللى بنسيفه من شعارات وأنا قلت التمزق برضه قلت التمزق معلى استعمل وبرغم ان فى ٧٢ او فى اوائل ٧٢ وصلوا الى الحد انهم احتلوا القاعة بتاعتكم .. بتاعة المجلس الاعلى للجامعات وبدأوا ما بسمى بلجنة الطلبة اللى بتبقى دائما تمهد للجان الشعبية اللى بتكون برة .

عفوت عن الشرذمة

ده اسلوب ... كلنا عارفينه .. اسلوب الماركسية لجنسة من الطلبة ويعدين لجان برة صغيرة فى كل مكان اللى كانوا بيطلبوا عليها السوفييتات ..

غير المعتول ، ان تكون مصر بلدا زرافيا ولا تستطيع ان تكني نفسها ذاتيا فى المواد الغذائية .

وأكد الرئيس السادات اكثر من مرة خلال كلمته انه لا رجوع عن الحرية ، لان الحرية هي صام الامن وليست الاجراءات الاستثنائية . والحاكم القوى لا يلجأ الى القوة وانما الى الشعب مستندا الى الديمقراطية والحرية كذلك أكد الرئيس السادات انه مع تصاعد الحرية ، لابد ان تتصاعد أيضا التساؤلات التى تكفل الممارسة الصحيحة لهذه الحرية حتى لا يساء فهم الحرية وحتى لا تستغلها شرذم محدودة وانطلاقا من هذه الحقائق دعا الرئيس السادات الشعب الى ان يتولى هذه الشرذم دون رحمة

بدء الشرعية الدستورية

أكثر من هذا قلت انه بالندرج بعد معركة ٧٢ انه الشرعية الثورية انفتحت وبدأت الشرعية الدستورية ويمكن لو راجعتم خطبتي فى اول مايو ٧١ معنى بعد ولايتى باقل من ٧ او ٨ شهور قلت هذا .. قلت لابد من تقنين الثورة لاجل ان تعيش الترشكية الدستورية بدلا من الشرعية الثورية .

حتى لا يحق عليها أى حد فى المستقبل ويحاول انه يفرض او يعيث باى شىء من مظاهرات او يفرس على هذا الشعب مرة اخرى ماعالى منه من قبل .

فوجئت زى ماقلت لكم فى ٧١ بحوادث للطلبة وكان امر مضحك حقيقة فى الوقت اللى اغلقت فيه جميع المعتقلات نهائيا وصفيقتها وفى الوقت الذى ازيلت فيه مراكز القوى وفى الوقت اللى وضع فيه الدستور الدائم بكل الضمانات اللى واردة فيه والحقوق والواجبات .

فوجئت ان اللى ماى .. وحنا عابز برضه نكون بنصف .. انها أقلية دائما اللى كانت بتغير هذا بين الطلبة ماكانش



مركز الأهرام للتنظيم وتكنولوجيا المعلومات

هد .. ده مصلحة البلد ومستقبل البلد
ومستقبل الأجيال اللي جايه .

في ٧١ زى ما قلت لكم انتهى العام
الدراسى .. صيف ٧٢ بعد الدوشة دى
كلها وقلت ان الاولاد برضه هينظموا
ومفيس داعى أبدا ولنسه الوقت ماهوش

ناصح لوضع التصور ومناقشته على كل
سنوات البلد .. وكل أمورنا .. باه
تناقشها زى ما قلت دولة مؤسسات
نقعد تناقش أمورنا باه .. في كل اتجاه
صيف ٧٢ حصل اللي جرى بيننا وبين
الاتحاد السوفيتى ولايد انكم قرأتم ..
علية الفترة السابقة لاصدار قرارات
خروج الخبراء السوفيت فى يوليو ٧٢
وجينا على اكتوبر ٧٢ ثاني برضه ..
٧١ ده المفهومة .. اللي غابز ينسر
موقف فى مصر يلأقى المسادة المنفضة
فيه .. فى مكانين .. فى الطلبة
باعبارهم شباب مندفع با بيترواشى فى
التفكير كثير بيندفع بسرعة .. عاوز
يعيش مفركة بلده وعايز يكون له كيان
.. طيب المكان اللي فيه مادة متفجرة
هوه الجامعة .. والمادة الثانية هيسه
الصمال ..

حصل تركيز شديد على الجامعة .
وقبل ما بيندى العام الدراسى فى اكتوبر
٧٢ كان عندى هنا المخطط اللي جه من
الخارج للشرذمة اللي جره ما بقولش
أبدا القاعدة الطلابية أبدا وتكرها بقش
القاعدة الطلابية أبدا .. شرذمة فقط .
كان عندى المخطط واجتمعت
بالصحفيين فى أواخر صيف ٧٢ ، قبل
الجامعة . وكان واضح حتى عند كثير
من الصحفيين ان التعليمات اللي جت من
بيروت بالتصديدي للى يجرى فى بدء
الجامعات ٧٢ وعندي كان وحاول البعض
وتجمعوا فعلا انى اتخذ اجراءات مسبقة
قلت لهم أبدا ما باخذش اجراءات مسبقة

اي حاجة لجرد . انه اللي وراء هذه
الشرذمة وهو .. الاتحاد السوفيتى ..

وينتهى الامر وقعدوا محتلين القاعة
عندكم فى قاعة المجلس الاعلى للجامعات
.. وخطب وغير مسموح الا لههذه
الشرذمة .. كانت شرذمة .. انها تتكلم
وتمسك الميكروفون وادى حد يمكن يدخل
يكلمهم او يحاول يناقش أبدا ينزلوه وهو
الرأى الواحد والفكر الواحد .. واجهنا
هذا ما وجهناش باجراءات أبدا ..
وقبض عليهم وراحوا النيابة .. حقت
معاهم النيابة .. ومن قبيل ان تنهى
النيابة من تحقيقها جمعت انا .. دعيت
الى اجتماع فى عابدين وعفوت عن كل
هؤلاء لا محاكمة ولا نيابة ولا حاجة ..
وخرجوا وكبلوا بروبيهم وانتهى اليوم
الدراسى ٧٢ .. كل ده باصارتكم ..
انا فى كل هذا عاوز أقول .. اخطانا
اخطانا من أول الثورة بانه ما حللناش
مفهوم واضح وجديد للتعليم الجامعى
ولطالب الجامعة بحيث يلقى العلم ونفى
نفس الوقت يكون كائى مواطن له الحق
ان يبدى رأيه .

زى ما قلت انا .. وصل الخطا قبل
٦٧ وما بعد ٦٧ الى ان توليت انا اللي
ان الدولة افسدت بما سمح به لههذه
الشرازم .. افسدت حتى القيم انا
باعترف النهارده لانه ماهوش عيب ان
اخطا نعرف اخطاينا والفننة اللي جعلت
اخطا ان ماكنتش تخلينا نعرف اخطاينا
ونبدأ بداية جديدة نتقى غير جسدبرين
بنقة هذا البلد ولا ثقة هذا الشعب وغير
امناء على مستقبله أبدا .. وعلشان
كده انا باكلمكم افسدت الدولة فعلا ..
واتا فى ٧١ و ٧٢ قلت ههذه المفهوم
الجديد لايد ان اضعه ولايد ان اعلنه
صريحا وبعد ذلك لان دى مصلحة
الشعب مش مصلحتى انا ولا مصلحة اى



مركز الأهرام للتنظيم وتكنولوجيا المعلومات

بين جرائد الحائط التي جابه جازرة من برة والمنشورات التي مطبوعة . على ورق عال والجامعة يقول ما كتش عندنا ورق حتى في الجامعة عندنا عشان نطبع في مطابعنا الملازم والحاجات للاولاد والحاجات التي يحتاجها الجامعة واستمروا في الفترة برضه .. هذه الشريعة ، وقتها كنا دمقرقين زي ما اخنا عارفين وأنا بأشد المعركة . قلت برضه مرة أخرى .. بلاش . باضبط النصح لانه كان فيه موقف مخيفي لازم اسكت وهو انه كانت جبهتنا سمعتموني حكيت كانت الجبهة مكشوفة .. خطة دفاعنا مكشوفة نتيجة افعال من وزير العربية التي اقبل في اكتوبر ٧٢ الى ان اتصنا خطتنا الدفاعية كاملة .. جيت في ديسمبر وقلت في مجلس الشسيم لن اسمح بعد اليوم ويسكننا الاولاد دول وقديناهم أيضا الى النيابة لا بالمعتلات ولا بقانون عسكري أبدا بسيادة القانون .. برغم ده كله وبرغم التمزيق التي البلد فيه وبرغم الشوشرة والتشكيك في كل شيء .. والتكتيك ده بأحط تحتته خطين لاني جاي له لانه مستر لغاية النهارده .. تشكيك في القيادة . تشكيك في الحكم تشكيك في نزاهة كل انسان في هذا البلد . هم بس الشريعة ومن وشهم هم التي يصلحوا وهم التي يقرروا ينفذوا اليسلد من التصفوية والانهرامية والامبريالية والاستعبادية كل الالسنة الطويلة التي تعالت في مجلس الجامعات عشرة أيام انشاء احتلاله في أوائل ٧٢ ثم في أواخر ٧٢ في الكليات بين الطلبة . وكانت بتوصلني جوابات من الطلبة موقعين عليها بان هذه الشريعة امتدت نعمل زي البلطجية ..

ابتدوا يروحوا على غرف المحاضرات ويفتحوا الباب والاستاذ جوه وبطلعوا الطلبة عشان يعملوا اضراب .

ابدا أنا باتعامل مع كل حالة زي ماتظهر وأنا مش خايف من حاجة اطلاقا . نفس المخطط بتساع الشريعة التي احتلت قاعة المجلس الاعلى للجامعات وافتكروا أنهم خلاص سيطروا على البلد وهيبتوا يعملوا السوفيتيات بدعا بلجنة الطلبة العليا التي أنا أيامها في عابدين قلت لهم دي مش اسمها لجنة الطلبة العليا ، في مواجهة الطلبة كلهم .. قلت لهم لا دي اسمها لجنة الضيافة العليا مش لجنة الطلبة العليا .. والتي من بعدها تطع السوفيتيات باه .. في جميع الاحياء ونخش الحلقة اباها .

مجلات الحائط والمنشورات وبالجامعات أزمة ورق

بدا العام الدراسي ٧٢ بنفس الاسلوب جرائد حائط بقلة حياء وخروجوا عن كل الحدود .. أنا أسف وباقول ان الدولة في وقت من الاوقات تبنت هذا تبنت انه لما ينطلق اي طالب من كل القيم بأدام ملتزم مع مراكز القوى خلاص .. له هذا حتى على اساتذته ..

نفس الاسلوب البذيء على جرائد الحائط .. نفس الشعارات البذيئة . ومصر طلعت الخبراء السوفيت .. مصر مش ناوية تحارب . الرئيس السادات وسياسته الانهزامية التصفوية . الالفاظ التي كلكم عارفينها دي .. السنة كبيره كده نطلع كل يوم .. الله يرحمه الدكتور حسن شريف كان في اجتماع عابدين وكان هوه أيامها وكيل جامعة القاهرة .. حكي .. أمام الطلبة وأمام الكل وأمام البلد كلها انه باكش في الجامعة في ذلك الوقت ورق . عشان تستخدمه وكان الورق بتساع جرائد الحائط والمنشورات .. أوكدته متوفر ومن اعلى مستوى الى الحد التي قدره بما لا يقل عن ٧٠ أو ٨٠ جنيه يوميا . ده بييجي



مركز الأهرام للتنظيم وتكنولوجيا المعلومات

كاملا يمكن سمعتم على مراسل اجنبى
يومين او ثلاثة كتب فى هذا سلسلة
مقالات نشرت فى انجلترا وفى امريكا ..
ان مصر انتهت خلاص .. وصنفة كانت
الفتنة الطائفية .. حدثت .. بدأت من
صيف ٧٢ واستمرت الى آخر شتاء ٧٢
يعنى اوائل ٧٣ معاصرة لنفس الكلام
الى انا حكيته وبعدين فت انا على الازهر
وعلى البابا وخلصنا العملية وانهيها
وبعدا زى ماقلت حاولت اقول لوسائل
الاعلام .. احتراموا بلدكم ودافعوا عن
بلدكم ماتدافعوش عنى انا مش عايز
هد يدافع عنى .. اطلاقا ..

انما لما العالم بره كله .. فى اواخر
٧٢ واوائل ٧٣ .. الى يقرا صحف
السم يقول مصر انتهت نهائيا لا معركة
ولا شيء والخبراء السوفيت مشيوا ..
والامبريالية والاستعمارية .. وايه فى
هذا الوقت علاقتنا مقطوعة كاملا مع
امريكا وبهاجم وزير خارجية امريكا
روجرز باعنف ماقتل من هجمات وتلاقوها
فى الصحف موجودة وامام مجلس الشعب
موجودة مضابط المجلس موجودة والصحف
برغم ده كله تشوقوا باه التشكيك ..
لا .. الامبريالية والاستعمارية .. و ..
و .. لا بيننا وبين امريكا صلة ولا فيه
اى حاجة لمجرد .. انه اللي وراء هذه
الشرذمة وهو .. الاتحاد السوفيتى ..
خذ الضربة بتاعة الخبراء فى ٧٢ ومن
قبلها فى ٧١ وقفنا مع ثورة السودان
وقلت باسم مصر كلها احنا لا نوافق على
هذا اللي جرى فى السودان وخذنا
موقف ..

ارادة الشعب

هى صمام الامان

غضب منا طبعنا السوفيت .. فلا بد
الشرادم الداخلية تغضب هى الاخرى ..

وجاتنى جوابات موقع عندها ومن
جامعة عين شمس بالذات ان هذه
الشرذمة تحولت الى بلطجية واحضا
عايزين .. تتعلم عايزين تشوف مستقبلنا
واعلنت فى مجلس الشعب فى ديسمبر
٧٢ واوائل ٧٣ مباشرة قدمنا الاولاد دول
الى النيابة وللانسف كان هناك بعض
العناصر المتخلفة من مراكز القوى سواء
فى الصحف او بعض العناصر اللي بتدين
بنفس المذهب بتتاع الشرذمة وكانوا
بيروحوا يحضروا اجتماعاتهم فى الجامعات
ويخطبوا مع الطلبة فى الجامعات ..
صحفيين .. كل هذه الشرازم فى يناير
٧٣ انا كنت باجهز للمعركة خلاص عزلت
اكثر من ١٢٠ صحفى جيت الطلبة دول
وقلت انا داخل معركة محدش كان
راضى يصندق خالص .. ولكن تحليت
برضه بالصبر .. ليه .. بجهوى اللي
انا عايز اقولوه واللى كان يجب ان احنا
منذ بدانا الثورة نضعه موضع المناقشة
علشان نرسى على حل للممارسة الجديدة
بعد ثورتنا وبعد ما اصبح امرنا فى ايدينا
ايام الاحزاب كانت الاحزاب خاضعه
للملك وللسنادر المندوب السامى ثم دار
السفير البريطانى اه .. هو كان جايز
كان هذا مطلوب وكان صح لكن بمسد
ما قمنا بثورتنا وبعد ما اصبحت ارادتنا
ملكنا لا بد من اسلوب جديد للممارسة
خصوصا ان هذه الاجيال اللي هما بتتوع
الجامعات اللي هيطلعوا فورا الى الحياة
العملية علشان يتسلموا المسئولية
محصلش .. بل افسدت مراكز القسوى
هذه الشرازم من الطلبة فى ٧٢ وعلشان
اوقف الموجة دى قلت .. لا .. لا يمكن
يستمر هذا الحال راهوا امام النيابة
الصحفيين عزلتهم كتعبير انا فى ذلك
الوقت مشى عايز وسائل الاعلام تقف
تمدحنى ولا تعمل قصائد مديح فيه انا
كل اللي طالبه انه .. اتقوا مع بلدكم
نشر فى اواخر ٧٢ واوائل ٧٣ انه
مصر انتهت خلاص .. والموضع منهار



مركز الأهرام للتنظيم وتكنولوجيا المعلومات

من كتابات هؤلاء الصحفيين ومن تغذيتهم للمراسلين الاجانب وعلى راسهم اللي ابد من يومين ثلاثة ده بينفذ وهم كانوا بهذا الكلام كله ضد بلدهم .

جيت فى ٢٨ سبتمبر وقلت الطلبة يعفوا مافيش قضايا خلاص نهائى . جميع الصحفيين اللي عزلوا المائتوعشرين كله يعودوا الى صحفهم كما كان تانى ايامها افتكروا انى انا باتراجع . وطلع جماعة يكتبوا قالوا السادات بيععمل مصالحه وطنية .. مصالحه وطنية هو انا بينى وبين واحد فى شعبى مشكلة او بينى وبين واحد فى شعبى خصومة . .. ابدأ فى النهاية انا مسئول عن الشعب كله . ولايمكن ان تقوم خصومة بينى وبين اى واحد مهمما كانت الامور الخصومة تقوم بين اى واحد وبين مصالح الشعب .. وسيادة القانون هية اللي بتحلها .. انما انا مافيش خصومة بينى وبين اى حد .

حرية صحافة كاملة

بعد المعركة مباشرة

وفوجئ الكل فى ٦ اكتوبر بالمعركة بعدها بايام .. فهموا وعرفوا انا ليه قلت خلاص وبعد المعركة قلت خلاص يعنى التمزق اللي عشناه والمهانة والمذلة اللي عشنا فيها . كل ده وانتهى يبقى كل هذه الاساليب بتنتهى وعقب المعركة مباشرة حرية وصحافة كاملة . كاملة . بالكامل . قبلها . قبل المعركة بستنتين فى ٧١ اغلقت المعتقلات نهائيا ولم يبق فى مصر معتقل سياسى واحد بل اكثر من هذا المحكوم عليهم سياسيا طلعتهم جميعا ولم يعد لا معتقلات ولا مسجونين سياسيين باحكام محاكم .

جيت بعد المعركة فى اوائل ٧٤ حرية صحافة كاملة لانه زى ماباقول لكم انا

طيب .. جات ٧٣ وجمهرة كبيرة جدا اهترت اعصابهم . زى البعض فى الايام الماضية .. ماشفتها وضحكت .. ايامها ضحكت .. والمره دى برضه ضحكت .. اهترت اعصابهم خالص . ومصر خلاص لكن فى اوائل ٧٢ واوائل ٧٣ كنا فى اسوا وضع وحتى اخوانا العرب وحتى احنا النهارده ماجناش فى وضع سوء زى ماهاكى لكم كنا فى اسوا وضع حتى اخوانا العرب وحتى شعبنا مش مصدق انه .. لافيه معركة ولا فيه حاجة والوضع مينووس منه وكل شىء انتهى ابدأ ضحكت ايامها ومشيت الامور وعملنا المعركة بالتخطيط لها عربيا .. دوليا فى مجلس الامن افريقيا المؤتمر الافريقى مع دول عدم الانحياز فرشة كاملة للعالم كله .. وعملنا معركتنا فى اكتوبر ٧٣ اثبتنا ذاتنا واستعدنا ثقتنا فى انفسنا وثقة العالم كله فىنا .

انا قلت بعد دى لايد ان كل شىء سيعود لاوضاعه الطبيعية لانه اسهل حاجة انى الجا الى الاجراءات لان دى اسهل حاجة فى يد الحاكم دى مش القوة الحاكم القوى اللي ما يبيلجاش لاجراءات الحاكم القوى هو اللي يلجا الى الشعب ومنطلق والى التخطيط واشراك الشعب فى كل مشكلة وصمام الامن دائما تبقى هى دائما ارادة الشعب وهى الحرية والديمقراطية .. دائما دى صمام الامن حتى تلاقوا انه يوم ٢٨ سبتمبر سنة ٧٣ اى قبل المعركة بايام وفى ذكرى عبد الناصر قلت الطلبة اللي مقبوض عليهم سماح كله الصحفيين اللي عزلتهم ولم اقطع عيشهم انا عزلتهم بس من ان يكتبوا فى الصحف ولكن لم يقطع رزق واحد ولا قريبه ابدأ لان الهدف عندى مش انتقام . ده انا عايز اقول ياناس اتقوا مع بلدكم مش معايا اتقوا مع بلدكم اللي بتشوه بره ومليانة تشويه



مركز الأهرام للتنظيم وتكنولوجيا المعلومات

وفيه مجلس شعب . وقاعد كل يوم ماسك الحكومة بيشرح فيها ومجلس وزراء واخذ سلطته كاملة . وقضاء اعيد له حرمة وكيانه كاملا . واعيد كل من اضرير الجامعات فيه اساتذة جم وخذوا احكام من اللى طلغوا سنة ٥٤ فى التطهير اللى حكيت لكم عنهم جم وخذوا احكام ووجدوا فرق ولكنهم لانهم جاوزوا سن المعاش . اتحكم لهم والدولة ما امتنعش ماقالتش حاجة . انا قلت خلاص بنلم الجراح كلها .. وينقل الجراح بانتصارنا فى معركة ٧٢ وينخش باه على اعسادة البناء .

٧٥ ابتدا نفس الشعارات جرائد الحائط . قلة الحياء الوقاحة . التطاول قلت لا .. دى مسالة بقت يعنى مش تمام .

هدف جديد

للمؤامرة فى عام ١٩٧٦

دخلنا ٧٦ نفس الشيء .. ابنتت الجامعات . الموسم ده فى ٧٦ تذكروا حاولوا واحنا فى ٧٥ باه ما هملائش اجراءات ولا اتخذنا اجراء ولا حاجة وسينا العملية بينهم وبين بعض جوه . فى ٧٦ اكتوبر اللى فات ده ابنتت الجامعة .. نفس الشرائم . بتجرى على الطلبة .. بهدف جديد باه المرة دى لازم نطلع مظاهرات فى الشارع ولازم نحتك بالبوليس ولازم نثبت ان هذا النظام منهوش حرية ولا ديمقراطية ولا ولا .. ولا

وتعدوا يحاولوا لغاية ٢٥ نوفمبر اللى فات ده تذكروا لما طلع ٢٠٠ طالب بعد ما بقية القاعدة الطلابية رفضت . وطلغوا ٢٠٠ طالب ومشيووا الى مجلس الشعب ومحدثش التفت اليهم فى الشعب من الجامعة لغاية ما وصلوا مجلس الشعب الا وهما فايئين على دار صحيفة روز اليوسف اثنين صحفيين طلغوا

ايمانى ان الحرية هى صمام الامن مش الاجراءات صمام الامن ابدا .. ابدا جمعت الصحافة بتاعتنا برضه وجمعتهم .. تذكروا فى اسكندرية . فى قصر راس التين وقلت لهم عيب انا مش هارجع القيود على الصحافة ولا على حرية الصحافة لكن لا تعنى حرية الصحافة انه يطلع كل جرنال يتبارى فى تشويه صورة البلد كان البلد كلها سلبيات ومفيشى اى انجاز . ماهى دى تعبنة حتى خربت مثل وقتها وقلت ان فيه سفير اجنبى فعلا راح لوزير الخارجية عندنا وقال له فى مقابلة كان بيخلصوا شغلهم . قال له الثورة هتقوم امنى قام وزير الخارجية قال له ثورة ايه .. قال له والله لما باقرا هرايدكم باحسن انه

فيه تعبنة وتسخين كامل لثورة مقبلة لان مايفيش فى هرايدكم غير سلبيات واخطاءورشاوىوجرائم . والبلد مايفهاش اى انجاز كان امر مضحك حقيقة حكيتها للصحفيين مفيش فايدة لان هاجى برضه للمرحلة اللى احنا وصلنا لها النهاردة فانت ٧٤ .. بدءا من ٧٥ رجعت تانى نفس الشردمة ، وانا باراجع اسماء المقبوض عليهم فى الحوادث فى الفتنة الاخيرة .

لقت فيهم من هؤلاء الاسماء اللى انا سامحتهم مرة واثنين وثلاثة .. هم هم شردمة هى . هى .. فانت ٧٤ ساكتين ٧٥ ابتدات انما كان مضحك قوى دا حرية الصحافة من ٧٤ واضحة والمعتقالات كانت مقفولة لها ثلاث اربعسنين وحرب اكتوبر تمت ولم يتخذ فيها اجراء استثنائى واحد . مع ان احنا كنا فى حالة حرب ولم يعتقل واحد فى مصر واحنا فى حالة حرب رجعوا للنفمة هى . هى . النفمة القديمة ، الصريبات ، الديمقراطية . الله حريات ايه مع دولة المؤسسات ماهى دى دولة المؤسسات



مركز الأهرام للتنظيم وتكنولوجيا المعلومات

جاي ، ممدوح قال بنعمل انتخابات تبقى
مثل في التاريخ وقد كانت فعلا مثل في
التاريخ .

مخطط كامل لحرق القاهرة

يناير جه .. ده الشهر اللي احنا
فيه فوجيء العالم كله بنخطيط قايم .
بينفذ مخطط تخريبي كامل لحرق القاهرة
لدرجة انه عشان يبقى عندنا فكره ..
يروحو على المطافىء عشان يحرقوها ثم
يجيبوا عربية ويقلبوها قدامها عشان
كمان الحرائق اللي بتجرى في بقية
القاهرة ما تجدهاش عربيات المطافىء
ولا حاجة .

تخطيط سليم .. رئيس مجلس ادارة
الاهرام واقف في الشباك وشايفهم وهما
جايبين على الاهرام وقفوا تحت الاهرام
.. وبعدين قالوا هه .. ثلاثة الرؤوس
والباقى الرعاع .. الفوغاء انما ثلاثة
الرؤوس بس . ماهم ما عندهمش هما .
وقفوا تحت الاهرام وشايفهم رئيس مجلس
الادارة من الشباك وواقف وسامع الكلام
كله . الله يقولوا نعمل ايه .. دلوقت
قام واحد من الثلاثة رد قال .. جماعات
الحريق جم .. والا لاه .. ايوه جماعات
الحريق اهي .. جت طيب على مخزن
الورق بناع اخبار اليوم اهه وراحو
الثلاثة منصرفين .

نفس التشيك ده .. حصل في كل
مكان اثنين او ثلاثة واللى حصل في
النيا واسوان غيرها وغيرها . نفس
الشيء يجروا الناس وراهم وبعدين على
الموقع بيندوا هم اول تخريب ويروحو
سايبين عشان لما بيحي يقبض البوليس
ما يقبض الا على الناس وهما ما فيش
حاجة .. لان عددهم فيش قليل وايه
عشان تنقال انها انتفاضة شعبية ..
طيب ما انا كنت في الازهر اول
امبارح .. وفي عربية مكشوفة وقابلت

صفقوا لهم طلعموا لهم من الشبابيك ،
بس . اما الشعب تجاهلهم كاملا ..
راخوا مجلس الشعب قتلوا حياهم على
مجلس الشعب .. وهنا بقى انا باقول
ان احنا لازم يكون لنا وقفه بقه ، قتلوا
حياهم على مجلس الشعب وسابوا
المجلس وطلعموا راحوا على ميدان
التحرير وقعدوا لغاية ٨ مساء في ميدان
التحرير يحاولوا مع سواقين النقل العام
ومع الناس اللي واقفين في المحطات في
ميدان التحرير وبانارة . عملية الاثارة
واستغلال معاناة الشعب والهدف كله
انه زى اللي بيصوروه لهم اللي وراهم
الالتحام بالشعب عشان يجروا الشعب
الى عملية يسقطوا بيها النظام محصلش
هاجسة . ولم يتعرض البوليس لهم .
تذكروا ٢٥ نوفمبر اللي فات تطور المخطط
عايزين لابد يحتكوا ولا بد باه يستخدموا
العنف هذه ايضا الشراذم جنبهم زى ما
حكى رئيس الوزراء ولا بد انكم سمعتموا
كلمته امبارح تنظيمات شيوعية تصت
الارض . الله طيب ما احنا صرحنا
بتلات اتجاهات يمين ووسط ويسار بل
تحولت الى احزاب بعد الممارسة اللي
تمت في المعركة الانتخابية ولو انها
برضه كانت ممارسة خاطئة زى ما حكى
ليه . لانه حملة التشيك اللي قلت لكم
خطوا تحتها خطين مستمرة من يوم عزل
ومن قبل عزل مراكز القوى لفساية
النهارده . تشيك في الحكم تشيك في
المسولين تشيك في الحكم تشيك في
كل شيء في قدرة الحكومة على حل
المشاكل تشيك كامل . انتهوا فرصة
المعركة الانتخابية الديمقراطية اللي شهد
بها الخصوم قبل الاصطفاء بنظائرتها
وروعتها . الشحن اللي تم فيها للبلد
واللى قبل كله منجه نحو شيء واحد
وهو التجريح للتنمية للخطوة المقبلة .
وانا نيته ممدوح سالم بهذا قلت له
يا ممدوح التنمية دي اللي في المعركة
الانتخابية واللى يقولوه ده تعبنة لحدث



مركز الأهرام للتعليم وتكنولوجيا المعلومات

برضه الشريعة دي بتقول برضه ليه
تفتح قناة السويس وليه نعمل فض
اشتراك وليه نروح جنيف حاجات مضحكة
الحقيقة يعنى قناة السويس فافت
كل التوقعات البترول بتاعنا بتاع خليج
السويس اللي اكتشف فعلا من الشركة
اللى اكتشفته كان مديرها معايا هنا
وربنا علشان اتقاجنا ان شاء الله فى
سنة ٨٠ يكون مليون برمبل يوميسا بس
دم مش قبل أربع سنين اللي هو سنة
١٩٨٠ .

قاعدين بنحسب والوزارة قاعدة تحسب
وقاعدة تشتغل .. بس حصل خطأ انا
زى ما قلت امبارح لو راجعتوا صحف
٢ يناير تلاقونى فى اول يناير جمعت
القضادات وقلت لهم قانون الضرائب يطلع
قورا باسبقة اولى قانون الضرائب بيوزع
الاعباء توزيعا عادلا .

كل شيء ممكن

مناقشسته واصلاحه

فى نظرى انا كان لازم يتم مع بعض
تقديم الميزانية مع قانون الضرائب ..
مع قانون الاسكان كمان .. مع شرح
لكل واحد من دول . لان دول زى
مايقولوا صفقة واحد - باكيج دبل -
ليه .. اللي هيجى يقول انه الاعباء مش
موزعة على القادرين الاعباء هنلاقيها
فى الضرائب .. اللي هيجى يقول الشعب
عليه معاناة الفئات الشعبية هيلقى ان
الحد الادنى للاعفاء من الضريبة اترفع
بالنسبة للصغيرين .. والقاعدة الشعبية
المريضة والضرائب فرضت على القادرين
اللى هيجى يقول الدعم راح .. نقول
له ده الدعم على القماش الفاخر اللي
بيروح امريكا واوروبا مش على الدبلان
ولا على الكستور ولا البيكة اللي احنا
بنلبسها .. ابدا .
كان لازم ده يتقدم لسن الحكومة

فى الشوارع فوق التصف مليون وكلكم
شفتوهم .. انتفاضة شعبية فين .. مخطط
انتهاز فرصة ان قرارات صدرت ماهيش
مقبولة من الناس وزيفت لان اتقال للناس
انها بنمسي الكساء الشعبي وده فلت .
انا قلت للعالم امبارح لما اجتمعت
باتحاد القبايات ان اللي اتخط عليه ضريبة
فى القماش . مش القماش الشعبي
الكستور والدبلان والحاجات بتاع
شعبنا لا .. ده اتخط على القماش
الفاخر اللي بيسافر امريكا .. ادعم انا
ليه قماش بيسافر امريكا . ادعمه ليه
بخمسين مليون جنيه . الدقيق الفاخر
نفس الشيء .. اللي بياخدوه علشان
يعملوا بيه عيش مفروض وحلويات ..
٧٥٪ عيش و ٢٥٪ حلويات بياخدوا
ويعملوا العكس ٧٥٪ حلويات علشان
التورتية مفيش حد بيسعرها له بيرفع
سعرها زى ما هو عايز و ٢٥٪ يعملهم
عيش وحتى رغيف العيش الفينو ..
بيقولوا لى باه حاجة كده رفيع من نتيجة
انه دكاه عايز يكسب .. هم بول بياخدوا
الدعم اللي احنا بنعمله علشان الشعب
يروح جيوب ناس مستغلين وضربت مثل
بالخلاوة الطحينية . كان بندعمها بخمسة
مليون طلع كنا بندفعهم لجيوب وسطاء
مستغلين وما بيوصلش للشعب حاجة .
شلنا الدعم اخدنا الخمسة مليون جنيه
علشان نبني بيها للبلاد نفس الشيء حصل
اتزيفت .. ومع ذلك انا اوقفت القرارات
علشان اوقف الفتنة .
لكن فيه حقيقة .. اقتصاديا ..
انتوا كلكم رجال العلم .. اقتصادنا
لايد ان يصحح مساره لانه مفيش بديل
اخر عن تصحيح مسار اقتصادنا الا
الخراب .

واحنا مش مستعدين نخش على خراب
ابدا .. الاصلاح ممكن الامل زى
ما سمعوتونى باتسكم امبارح موجود
بالكامل لما قلت فتح قناة السويس اللي



مركز الأهرام للتنظيم وتكنولوجيا المعلومات

متسابة .. كل شيء يتحقق فيه . لكن
مفيش داعى للانارة دى كلها .

الإعلام يتحمل وزر رهيب فى اللي جرى
لانه عبا شحن .. وبعدين المتسامرين
راحو منتهزين الفرصة .. وتم اللي تم .

عبادة صنم الاشتراكية

أرجو باه للمفهوم اللي يجب أن يكون
مفهوما جديدا لانه بعد الفتنة اللي حدثت
إذا استمرينا بالاندفاع بالقصور الذاتى
القديم اللي زى ما حكيت لكم فشل حتى
بمعركة ٧٣ فوتوا سنة وشويه وبعدين
ابتدوا نفس الكلام تانى مالم يكون
مفهوم واضح ومحدد وجديد ما نقدرش
أبدا نستمر بهذا الشكل وما نقدرش أبدا

نسيب شرائم قليلة زى دى فى وسط
قاعدة طلابية سليمة تريد أن تعمل وتريد
أن تحصل العلم وتخرج الى الحياة
علشان تشوش أفكارهم هذه الشرائم .

ويخدوهم ويشدوهم الى معارك وهمية
قائمة على شعارات كذب وتلفيق والهدف
منها كله ان الناس دول يتولوا السلطة
أو يغيروا النظام . علشان ترجع
المعتقات تانى ترجع الحراسة تانى
وترجع الحكاية اللي قلت عليها صنم
الاشتراكية اللي يلاقوه لابس بدله
يقطعوها له مثن كده محدش يلبس بدله

عندهم ما هو ده صنم الاشتراكية
قعدنا عيدناه وفضلنا لغاية البلاد ما بقيت
على البلاطه .. وأجى أقول انفتاح
اقتصادي زى ما قلت أمبارح أمام العمال
انفتاح بالخصه فى كامتين .. أنه أريد
أضافة انتاج وعماله لمصر . بس اللي
يقدر يعمل هذا بتفضل يجينى وأنا
هاشيل من عليه كل القيود اللي بيحى
يزود انتاج ويزود لى العماله يشغل لى
ناس ويديها مرتباتها .. طبما كله عائد
على البلاد ما هى ثروة فى البلاد .

النهارده وصلنا لغاية البيضة مطلوبه
من الدولة لان خلاص صنم الاشتراكية

فى غمرة العمل ومجىء بعثة صندوق
النقد و .. و .. و .. الميزانية اتأخرت
لانها كان لازم تتقدم حسب الدستور قبل
يناير بشهرين بالنسبة لان كان عندنا
انتخابات السنة دى زى ما أنتو عارفين
بناع مجلس الشعب . و .. و ..
وانتدمت الوزارة بالقرارات ومشى أبدا
القرارات هية اللي عملت هذا ولا ان اللي
تم نومه شعبية لا أبدا .. ده مغالطة
اللى تم بيحاولوه من ٢٥ نوفمبر قبلها
لما طلعت المظاهرة ام ٢٠٠ وراحو
وجاولوا كل المحاولات بنفس الشعارات
اللى اتقالت فى الفتنة الاخيرة علشان
يشدوا الشعب معاهم .. محدش
استجاب .

ده تدبير موجود .. خطأ . وقع
بالنسبة للقرارات .. اه خطأ وقع
يتصلح مثن مشكلة .. آمال احنا
عملنا المؤسسات ليه ما هو علشان يقعد
مجلس الشعب ويقول لهم لاه .. ده
ممكن .. وده مثن ممكن .. وعلشان
بيجوا لى اتحاد العمال . اتحاد العمال
حقيقة يستحقوا كل تقدير .

انا كنت فى أسوان راحوا بعثوا لى
اتحاد العمال مجلس اتحاد العمال اجتمع
وراح بعث لى على أسوان على طول
وطلبوا أنهم بيجوا لى على أسوان ..
قلت لهم لاه ابعتوا لى رسالتكم بعثوا لى
رسالتهم ..

ناس خافين على بلدهم الحقيقة يعنى
ومفيش حد بيملى علينا أرادته أمرنا
بيدنا وأى شيء ممكن تناقشه وأى خطأ
ممكن يتصلح لكن يسبق هذا كله برضه
تعبئة خطأ من الصحف اللي يمك صحفنا
يلاقى انحرافات .. رشاوى المدعى
الاشتراكى مثن عارف بيعمل ايه .
النيابة العامة فرها ايه طب ما هو يعنى
ما هو ابلغ تعبير عن هذا كله أنه مفيش
حاجة متسابة . بدل يعنى علشان نرد
على التشكيك كله .. مفيش حاجة



مركز الأهرام للتنظيم وتكنولوجيا المعلومات

قال ما حدث حتى يعمل مزرعة فراخ صغيرة كده .. لاء .. دى رأسمالية وأحتكارية استعمارية امبريالية كل الالفاظ اللي احنا عارفينها دى كلها .

اشتراكية ايه دى اللي تبقى اشتراكية والشعب مش قادر يطلع أكله .. أنا مش فاهم معنى الاشتراكية دى اللي الشعب مش قادر يطلع فيها أكله يستطيع يأكل ويؤكل اللي جنبه كمان . مفيش .. كان ممنوع مباشرة أى نشاط خاص اطلاقا باقول الانفتاح .. كل من يزيد فى

هذا البلد انتاج وعمالة .. يتفضل يبجي يعملها عنسدى .. ويعملها فيه .. ماهيينها جوه هنا .. على أرض مصر وعلى تراب مصر . خايف من ايه أنا عقد ايه اللي بنخاف منها تانى .

هنا بارجع للمفهوم الجديد .. احنا جينا فى هذه الفتنة وانشاء الله هتيجى الجامعات فى المرحلة المقبلة .. فى صيف ٧١ زى ما سمعتم أنا باطالب باستقلال الجامعات مغيرتش ولاها هاغير بسد اللي جرى .. ولا هارجع فى استقلال الجامعات . لا .. لابد ان تستقل الجامعات ولايد ان تسكون كل جامعة مؤسسة كاملة لها كل اختصاصها لابد لاننى بانبى دولة مؤسسات .

مايتناقش مع نفسى .. أبدا .. أبدا .. وموش اللي حصل ده هيجليني أغير أبدا .. ماهو أسهل حاجة كان أنى أفتح المعتقل وأمام الشعب كله وبموافقة الشعب كله أعزل دول كلهم .. فى أى مكان .. لكن أنا ما بارجعش أبدا فى كلمتى . من ناحية .

بل أنا مؤمن أن الديمقراطية صمام أمن لانه على الأقل كلنا بنعرف لما نتقع فتنة زى دى بدل ما كان كل شى يبقى معنى كلكم شفتوا فى التلفزيون وقرأتوا فى الجرائد والمراسلين الاجانب كتبوا وبعثوا كله انكتب الشعب كله استنكر وحقيقة .. باحس بانفعال وراحة ساعة

ما بيجيلي ناس .. لسه قبل ما آجى لذككم دلوقتى واحد جاى وحاطط شريك بالف جنبه وقال لى اسمى ما ينكتبش أبدا . ما تكتبوش اسمى علشان اصلاح التلقينات .. المسكينة البسيطة اللي تزوج تدى خمسة جنبه والا جنبه والا خمسين قرش .. أدى ميزة الديمقراطية كلنا متستركين فى استنكار أى شى .

يبقى اللي يفكر يعمل كده تانى الدور ده بقى أنا ياكلف الشعب مش قوات الامن بس .. باه لاء ده اتسا ياكلف الشعب .. باه .. انه يتولاه مع قوات الامن .. بلارحمة .. بلا رحمة .. أبدا .. لان حرق القاهرة .. لاء ..

نيجى للممارسة .. هتيجوا الجامعات وهنخش وهتطلع جرائد الحائط والبوليس وورا النيابة المخازن خمس مخازن جرائد حائط مرسومة ومكتوبة ومتجهزة علشان تتعلق .. فى الجامعات الشردمة .. اياها هتروح على الاولاد .. أنا باقول تناقشوا هذا الموضوع وأنا عندى فيه بعض منطلقات باحطها قدامكم عشان تناقشوا برضه كعادتنا من ساعة بناء دولة المؤسسات .

ان كل مؤسسة صاحبة الشأن لازم تقول رأيها ولازم تناقش الامور قبل ما يصدر القرار .. أنا باقول اضراب .. اعتصام .. تعطيل للدراسة عمل البلطجة اللي بيتم داخل حرم الجامعة ممنوع .. واضح وبصراحة .

أنا باقول الاتى .. الطالب .. طالب علم ومواطن له حق طلب العلم على الدولة وله حق المواطن فى ابداء رايه ..

طيب .. المعاهد العلمية اللي هيه الجامعات والمدارس كلها بتدى له العلم .. عايز يقول رايه ويشتمل فى السياسة بتفضل يروح عند حزب من الاحزاب اللي موجودة وقانون الاحزاب هيصدر قريب يحدد طريقة قيام الاحزاب ومجلس الشعب اللي اختارته الامة



مركز الأهرام للتنظيم وتكنولوجيا المعلومات

لا اجتماعات سياسية داخل الجامعة

حاجة تاني .. طيب المعسكر الاشتراكي اللي بيقولوا عليه ما هو فيه كده طيب نشوف في الرأسمالية فيها آيه في الرأسمالية الطالب بيدفع مصاريف الجامعة ولكم درستم في الخارج وشغفتم الجامعات وأد آيه بتصل مصاريف الطالب في السنة الواحدة واللى بيقله مجلس إدارة الجامعة أو بيرفضه .

وفي الجامعات مش مجلس إدارة الجامعة ساعات اللي بيرفض .. لاء .. ده الاستاذ بيرفض الاستاذ بيقول للتلميذ أنته بره .. على طول الاستاذ مع أنه جاي دافع مصاريف .. يقول له أنته بره .. خلاص بره أنته .. وضع مضحك لحصلنا اشتراكية ولا حصلنا رأسمالية .. طيب اللي ينصرف على الجامعة ده مدين .. على الاولاد دول ده مال الشعب . من عرق الفلاح وعرق العامل الضرايب .. اللي احنا كلنا بندفعها الجهد والعرق اللي احنا بنبذله كله ده اللي احنا بنصرفه على اولادنا في الجامعة اللي بيقل انه يقعد علشان يتعلم حسب ما مجموعه ما بيؤهله بتكافؤ. قرص كامل مطلق أهلا وسهلا .. اللي مش عايز وبيشير أو بيعطل الدراسة حتى او يحض على تعطيل الدراسة لازم يمشى بره لأن فيه غيره بره في الصف أحق منه بيجي يخش من اولاد الشعب. ما عدش باه المفاهيم القديمة وحزب الوفد باعت جماعه بلطجية والاخوان المسلمين باعتين جماعة بسكاكين .. والدستوريين والسعديين بسكاكين وكراييج .. لاء .. الكلام .. ده .. لاء ..

افسدوا الاجيال اللي عنسدنا وحت للاسف مراكز القوى عندنا كملت على

بمحض ارادتها هوه اللي هيقرر هذا يتفضل يروح يمارس بره .

استغلال باه المادة المتفجرة في الشباب اللي هم الطلبة دول .. لايجب ان تكون في الجامعة مرة أخرى أبدا . يكون واضح ان موقفنا في الجامعات غريب .. اوى موقف مضحك جدا حقيقة في المعسكر الاشتراكي اللي هوه روسيا السوفيتية ومن حولها ما ادتس اللي احنا اديناها هنا في مصر من تكافؤفرص مفيش هناك كمبيوتر بيقد يميل المجموع ويشوف مين قبل مين والكلية دي مين بصرف النظر عن أي حاجة لاه .. لاه في روسيا اولاد والحزب هم اللي بيخشوا بس ولا مجاميع ولا غيره بتوع الحزب . وفي روسيا لوا تحرك واحد في الجامعة بيغروه جوه .

طب مش هيه دي اللي بيقولوا عليها واللى الشرذمة دي عايزة تعمل لنا نظام زيبا .. اعمل لهم هنا نظام كده ..

طيب اللي بيحصل في المعسكر الاشتراكي ومفيش احزاب انتوا عارفين سامعين طبعا وعارفين يعني .. والعالم كله عارف مفيش احزاب يعني . وهناك كله كده خط واحد مفيش غيره اللي عاجبه عاجبه واللى مش عاجبه بره ولو اتكلم على سيبريا .. نطبق ده هنا .. لا مش هاطبقه .. انا باقول اولادى ياخدوا القرص المتكافؤة اللي يجيب مجموع اكبر يخش الكلية اللي ليها المجموع الاكبر وهكذا .. هافضل فيه .. يبقى اولادى الطلبة لازم يسمعو .. القاعدة العريضة الطيبة تسمع هذا الكلام منى النهاردة لانه مفيش رجوع .. اطلاقا .. انسا باحظه امامكم وتتساقش فيه ومفيش رجوع أبدا لانه بقى دي مسألة مش ملكي ولا ملككم ولا ملك اى حد ابدا دي ملك الشعب ملك المستقبل والاجيال اللي جاية .



مركز الأهرام للتظيم وتكنولوجيا المعلومات

هذا الفساد بالكلام اللي انا حكتو لكم ..
لايه من النهارده يبقى واضح . رسالة
العلم .. رسالة المعاهد العلمية هي
العلم مفيش اجتماعات سياسية داخل
الجامعة اطلاقا .. اللي عايز يتشغل في
السياسة يروح يدور على الحزب اللي
هو عاوزه بره .. في الجامعة ده حرم
للعلم .

فيما خلا هذا طبعا كمواطنين بينطوا
تحت الاطار العام لكل مواطن ان له
الحق ان يبدي رأيه في كل اللي هوه
عايزه .. عن طريق القنوات الشرعية .
ويكده تستقيم الامور وباتمنى انه
يصلنى رايبكم في هذا قبل ما اقول
خطبتى ان شاء الله اللي انا هاقولها
لان كل هذه الامور لازم هاحطها على
بلاطة امام الشعب .

امر اخر بيحزنى ان اكلكم فيه
وبيؤسنى حقيقة ولكن زى ما قلت امبارح
للعامل في كل فئة فيه شواذ .. العمال
فيها شواذ الطلبة فيها الشردمة ..
الشواذ دول .. لكن من القاعدة الطلابية
العمال حافظوا على مصانع وكان
الهدف احراق المصانع كلها .. حافظوا
على مصانعهم بالكامل بل قالوا عايزين
نركب دى الوقت هاتوا لنا طيارة نروح
انسوان لرئيس الجمهورية طلبوها من
النائب حسنى مبارك .

وقال لهم اللي انتوا عايزينه نوصله
له في الحال فوصلوا لى رايبهم في
الحال .

حافظوا على ادوات الانتاج وعلى
مصانعهم لانها ملكهم وملك الشعب ..
في الجامعات المختلفة وفي هيئات
التدريس بيؤسنى اقول انه فيه ناس
لا يجب ان يكونوا في هذا المكان ابدا
وباقولها بمنتهى الصراحة .

انا هاضرب مثل واحد في جامعة
الاسكندرية .. واخوانا بتوع جامعة
الاسكندرية موجودين .

عصمت زين السدين قبل ما اتولى

كلكم كنتوا عارفين ايه اللي اتخذ معاه
.. اتوليت بعث لى خطاب بخط ايده
.. استعطاف وصل الى اقصى مداه ..
وجه الوقت اللي زى انما قلت لكم ليت
الجراح كلها .. قلت كده يرجع حتى الدكتور
ابراهيم عبده اللي عندكم في اداي
القاهرة . رجع لكن لان سنه تجاوز
السن القانونية خد الحكم وخد مرتباته
وخذ كيانه ٢٤ قيراط وكتب لى كتاب ديك
النهار قريتوه لازم كلكم .. وندهت له
شغفه وناقشته فيه وقلت له انت غلطان
.. غلطان في كل كلمة قلتها .. جوه
هذا الكتاب يعنى مفيش حاجة طيب ..
في رسالة من عصمت زين الدين تاريخها
٧٤/٩/٧ على ورق كلية الهندسة قسم
الهندسة النووية .. يقول لى ايميقول
السيد رئيس الجمهورية .

ان القائد الذي اعاد للشعب ثورة
بوليو و قام بتصفية مراكز القوى والارهاب
واعاد للمواطن امنه وحرية و قدسية
حقوقه والذي تحمل الام الشعب واناته
من مرارة الهزيمة وصرخات من اجل
النار لكرامته والقائد الذي عاهد الشعب
على معركة استرداد شرفه فعمل في صبر
وصمت والذي حقق وحدة الشعب العربي
جماهيريا او حكاما من اجل المعركة
والذي اعطى ابناء الشعب في القوات
المسلحة كل قدرات المعركة
ايمان وامل وثقة وسلاح ، ثم تحمل
المسئولية التاريخية عن قرار المعركة
والعبور وقاد المعركة السياسية بعد ان
انجزت القوات المسلحة مهمتها فحقق
لشعب نصر الله الذي دفع في شرايين
مصر نبض الحياة اعواد للشعب شرفه
وغسل عار الهزيمة في ٦٧ فاعطاه
الشعب كل الحب والافتناع بقيادته
الرشيده امتدادا لتاريخه في النضال
الوطني فسماه الشعب بالقائد الصادق
الامين .

ده كله باهضاء عصمت زين السدين



مركز الأزهر للتحكيم وتكنولوجيا المعلومات

.. وكلكم ما انتوش محتاجين تسمعوا
بنى بيقول ايه اخوانا بتوع جامعة الأزهر
حضروا كلامه اخيرا تهجم .

رئيس جامعة الأزهر

يروى الوقائع

وقف الدكتور محمد حسن فايد رئيس
جامعة الأزهر ليشرح ما حدث خلال
اجتماعات جامعة الأزهر التي حضرها
الدكتور عصمت زين الدين فقال : التي
حدثت كله في اجتماع لم أحضره
وكنت في المجلس القومي ثم علمت
انه حضر ودعاه عيسى عبيده الى
هذا الاجتماع وتكلم عيسى عبده بكلام
غير سليم وهو ايضا تكلم بكلام غير
سليم في الثاني ، دعيت الطلاب في
اتحاد الطلاب وعملت اجتماع معهم وتبين
بان الشذمة التي سيادتكم تحدثت عنها
هي التي تولت هذا الامر وان جميع
الطلاب استنكروا هذا العمل واحضرت
عيسى عبده لانهم كانوا دعوه برضه
للحضور في هذه المرة وتكلمت معه على
انفراد وتقريبا كان حديث شديد معه ،
كيف يحضر الى جامعة الأزهر ويتكلم بمثل
هذا الكلام ثم يدعو عصمت ويتكلم بمثل
هذا الكلام فاكذ لي عصمت ما كنت اعلمه
عنه من انه سيتحدث بمثل ما قال وانا
فقلت له كان الواجب عليك ان تسكته
وتقاطعه وتخرجه من الجلسة ..

كانوا في هذه الجلسة واعتقد برضه
بان يمكن بلغ المسئولين أو بلغ سيادتكم
كانوا الطلاب في نفس هذا اليوم الذي
حضرت فيه دعوا حلمي مراد .. الاستاذ
الدكتور حلمي مراد . وحضر حلمي مراد
في اثناء ما كان الطالب يقول الكلمة
بتاعته وبدأ حلمي مراد يتكلم وقلت
لعيسى عبده انتظر . فبدأ حلمي مراد
يتكلم ثم بدأ يتكلم في مجلس الشورى
والديمقراطية وتكلم بكلام جاوز يكون

كلامه سلبى ثم تدرج من هذا الكلام الى
انه يقول : الواقع ان تطبيق الشريعة
الاسلامية ليس مبدأ يعنى شعار يقال أو
قوانين تسن وانما الاول يجب ان نوجد
المجتمع المسلم فننظم الجائع ونمنع
ما أعرفش ايه وبمسدين يبقى نطبق
الشريعة الاسلامية . فسحبت الميكروفون
من امامه .. طلبوا منى ان انتظر حتى
ينتهى من كلمته فقلت لا فقلت هذه الكلمات التي
يقولها الدكتور مراد هذه دعوة وصدى
الى ما يردده البعض من انه لا مجال
الى تطبيق الشريعة الاسلامية وانهم
يريدون ان يعطلوا الشريعة الاسلامية
الطلبة حينما سمعوا منهم هذا الكلام
ثاروا عليهم .. انا استقبلت هذه
الفرصة في الواقع وتكلمت بهذا الكلام
فصنق الطلبة كثيرا

جم الطلبة كانوا مجددين يوم الاثنين
نحاة في يوم الثلاثاء التي هوه حدثت
فيه الفتن غيروا الاجتماع من يوم الاثنين
الى يوم الثلاثاء فحنت الى المجلس الاعلى
للتعليم نقالوا ان احنا دعينا عصر
التلمساني ليلتى محاضره عبر التلمساني
لا ادري لماذا تأخر الموعد كان الساعة
11 وبعد الساعة 12 كان الطلبة
موجودين في القاعة انا كنت أمرت ان
القاعة وجلست بجانبه وهمست في اذنه
كنت رحت المجلس الاعلى للتعليم انتظرت
فلتيت طالب من كلية أصول الدين بيتحدث
مع الطلاب في كلام اسلامي وينصرف
الطلاب .

نحاة بعد ساعة ونصف من تاريخ
الموعد المحدد لحضور عبر التلمساني
بصيت لغيت اثنين من الطلبة فقط جاينوا
وجاين وانا منبه عليهم اذا جه يطلع
عليا على فوق في المكتب .. فخذوه
ونزلوا على القاعة مباشرة فنزلت الى
القاعة وجلست بجانبه وهمست في اذنه
بان هناك فئه من الناس يريدون انازة

فى المنصورة - فى جامعة المنصورة -
 وفى اجتماعات أخرى وحضروا برضه
 معاه بعض من يستجدى العطف فى
 الاسكندرية من أعضاء مجلس الشعب ،
 حضروا اجتماعات من هذا النوع ومن
 هذا السياق الذى ينطلق منه ايه ؟ الذى
 ينطلق منه انه احنا عابزين والله نحط
 المسائل واضحة وصرحة ، غير مسموح
 بالوقاحة أو بالخروج عن الحدود ، القيم
 التى احنا تعارفنا عليها فى القرية -
 ولما باقول القرية - قام طلع البعض
 وقال المدينة كمان - طب ماهو القرية
 هو أساس المدينة .. ولما باقول القرية
 باقول البناء الداخلى للانسان .. بدون
 هذا البناء الداخلى ما يستطيع ان يصمد
 للعواطف أو لغيره وتتخلص كلها فى
 العودة للقيم الاساسية بتاعتنا للدين
 والايمان ، واللى مئى عاجبه بلاش يقعد
 فى وسط اولادنا ويسم أفكارهم ، كان
 زمان وأنا حزنت حقيقة لما علمت ان
 بعض من اخوانا من أعضاء هيئات
 التدريس فى جامعة الاسكندرية بعد
 القبض على الدكتور عصمت زين الدين قرروا
 انهم يعتصموا أو يحتجوا أو .. أو ..
 أو .. وكان ده معتقل .. لا ، الدكتور
 عصمت زين الدين شأنه شان أى واحد
 بتحقق معاه النيابة ولكن أنا باطلب من
 هيئة التدريس فى جامعة الاسكندرية ،
 وفى جميع الجامعات أن تخرج من صفوفها
 كل من يتماون مع هذه الشراذم ولهيات
 الجامعات انتم كلكم ادرى مئى ، كلكم
 تعرفوهم وكلكم ادرى مئى بيهم .. أن
 الاوان عشان نكون واضحين وصرحين
 فى مواجهتنا لمشكلتنا ولشعبنا - الذى
 حصل ، انهيار فى القيم انهيار كامل فى
 القيم ، معنى اذا ارادت شراذم مضللة
 أن تعمل هذا ، لا يجوز أبدا هذا من
 عضو من أعضاء هيئة التدريس اطلاقا
 والدولة فيها متسع كبير جدا عاشان

الفتنة . وحذار أن تتكلم كلاما نبيسه
 منتبه . فلتكن كلمتك فى النسيحة
 المطلقة .. ونعلا تكلم الاستاذ عمر
 الطيبانى كلاما كان كله نصح وكله
 ارشاد للطلبة بيثل ما تقول سيادتك من
 انهم طلاب علم يجب ان يحصنوا انفسهم
 بالعلم وليس تحصين النفس قبل ان
 يكون بتحصين الناس . حصنوا انفسهم
 وتطبيق الشريعة الاسلامية دى ليس
 مئى معناها اننا نطبق الشريعة الاسلامية
 النهارده يعنى لابد من سن قوانين ..
 و .. و .. الخ ثم انتو فاهمين ايه
 هوانتو لما عملوا اضرابات أو مظاعرات
 هو دا ملك مين .. هو دا ملك الحاكم
 أو ملك احد دا ملكنا جميعا حرام
 حرام ياطلبة الازهر .. الى اخره تكلم
 الزاجل أكثر من ساعة ونصف وهو فى
 كلامه كلام كله نصح وارشاد

البيانات يستكمل حكمته

الرئيس السادات : بعدما سمعنا
 فضيلة الشيخ الاستاذ واحنا بنتناول
 موضوع عصمت اظن واضح لما بنقول
 انه مافيش اى نشاط سياسى داخل
 الجامعة ، معنى هذا انه نلجا .. زى
 ما سمعنا البعض يروحوا يستجدوا
 للاسف اثاره الطلاب لانها المادة المشتعلة
 لاينمكن أن نسمح لهؤلاء ، لانكم تعلموا
 حضراتكم جميعا ، ان فيه عناصر بدينة ،
 بتدخل الجامعة وتدعى عاشان تقول اشعار
 وغناء أو شئ من هذه الحقيقة ، كل
 ده انتهى وقته ، خلونا بقى فى ممارسة
 واضحة وصرحة ، ويرجع للموضوع
 موضوع عصمت .. وأوريكم رسالة
 بعثتها لى عصمت لو جيت أنا اكتب
 ماقدرش اكتب هذا الكلام عن نفسى ،
 ابدا ده سنة ١٩٧٤ ، عصمت بنقول الان
 الـ ٩ مليون الملى راحوا الاستفتاء دول
 مئى الشعب . ورئيس الجمهورية مئى
 شرعى ومجلس الأمة لازم يحل واللى
 قاله عصمت فى الازهر قاله فى اجتماع

العلمية ، ولكن مايقاش فيها خناقات ، او ندوات مش على المستوى العلمى ، ثانيا لازم نبقى عارفين أن الانسان اللى جاى من بره جاى لشخصه مش جاى معاه شراذم تعمل هنافات وتعمل ندوات فى الجامعات تحصل بهذا الشكل فأخذنا قرار بمنع هذه الندوات الا اذا كنا عارفين مين اللى بيحاضر ، او قولنا اذا كان فيه ندوة الطلبة عملناها سياسية يكون فى مبنى اتحاد الطلبة ، مش فى المدرج الرئيسى ، وعلى هذا الاساس من شهرين الوضع كان فى جامعة الاسكندرية بهذا الشكل قاللى حصل أن عصمت مالفاش فائدة فى جامعة الاسكندرية وراح جامعة المنصورة وجامعة الأزهر ، وجامعة المنصورة لم تيلغنى ولا جامعة الأزهر بلغتنى . لو كنت جامعة الأزهر بلغتنى باللى حصل كنت احاسبه ،

ان احنا نحى مجتمع الجامعة من الشراذم دى اللى بيحصل كان فيه حرية زيادة عن اللزوم ده مش حرية ، الحرية الهدم دى مش حرية - فى الحقيقة احنا عايزين نحى مجتمع الطلاب ونحى الاساتذة من المجموعتالمودة الى نظام حرس الجامعة يمكن حاجة نفسية او حاجة سياسية سيادتكم قلت نلغى حرس الجامعات ، لكن يا حى الجامعة ، باهى مجموعة المجتمع ، اهيبها ازاي ؟ انا غير قادر فى الجامعات انا باقولها يمكن على لسان اغلب الحاضرين هنا لهذه القضية مانسبهاش حرس - نسيها امن - نسيها اى حاجة لكن انا عايز أمنع الشردمة دى - عايز أمنع اللى بيحى من خارج الجامعة يخش - الجامعة دى مكان علم الانسان اللى بينهجم على الجامعة أمنعه ما فيش انسان بيحى من بره الجامعة يخش مافيش مجموعة قليلة من داخل الجامعة تغلب على الاغلبية -

بياثروا فيها على اولادنا باشياء سلفا هى للانارة وللتضليل وتشيتت الجيل الجديد اللى احنا عايزين نبنيه على اسس من العقيدة والقيم اللى احنا عشنا وارتبطنا بيها فى مجتمعنا .. بهذا ..

رئيس جامعة الاسكندرية

يروى الحقائق

وطلب رئيس جامعة الاسكندرية الكلمة وقال : الحقيقة انا هاكلم فى موضوع الدكتور عصمت زين الحقيقة الوضع زى ما سيادتكم ذكرته هو انه فى السنوات الماضية ، والشردمة دى ومنهم عصمت .. الدولة كانت سيياهم .. يعنى كانوا بيعملوا اجتماعات وبيعملوا زى ما هم عايزين وكانت الدولة سيياهم ، والدولة كانت عطياهم حرية زيادة عن اللزوم - الجامعة كانت بتعانى منهم طلع قانون اتحاد الطلاب ، وطلع قانون انه مايقاش فيه للعميد اى سلطة على مجلات الحائط سيادتكم زى ملاحظت المجلات بتطلع بهذه الوثاقحة ، مافيش للعميد سلطة ، ماعندوش سلطة اما وضع عصمت ، فى جامعة الاسكندرية فى الحقيقة مافيش حد فى جامعة الاسكندرية بيعضد هذا الشخص ولاحد من هيئة التدريس ، عصمت ده مريض ، ده شخص مريض يعنى الشخص اللى بيتصرف التصرف ده يبقى انسان مريض انما يمكن اول ما جيت رئيس الجامعة من ٢ أشهر ، لم أسمع لعصمت ان يعقد اجتماعات فى كلية الهندسة ، الا فى كلية الحقوق عملوا ندوة وليس فى كلية الهندسة مايقدرش دخل فى وسط ندوة وتنهجم على الناس أعلن فى الندوة واتناقشنا فى الكلام ده فى مجلس الجامعة على اساس أن ماتناقش الجامعة علشان الحاجات اللى زى دى واذا جه انسان من خارج الجامعة ، الانسان ده يقول المشكلة



البيانات يواصل الحديث

الرئيس : يعنى الكلام ده فى اجتماعنا النهارده زى ما بنتصالح بكل صدق بكل أمانة أمام الله وأمام ضمائرنا ، فى الافتتاح المقبل للجامعات أن نشاء الله لابد أن تكون قد صدرت لهم كل ما نطلبه ، وأنا باقول للجامعات مستقلة استقلالاً كاملاً وبأخذوا قراراتهم كما يجب ، وأمر بأضع عليه ضغط ، كل من يخرج عن الحدود - القيم والخلق والادب - أى كان لا مكان له عندنا أبداً أبداً .. دى مسائل لازم نقف وننتهى وبحزم وبوضوح وبصراحة ، سمعت أو حتى من بعض النواب راحوا يستمعوا - راح فى كلية الاقتصاد وكانوا مضربين ليه ، قال ما عرفوش مستقبلهم - مستقبلهم ؟ - ما تعرفوش أن الدولة عملت لكم مجانية فى التعليم والدولة اعطتكم الفرص كلها - اللي كانت غير متاحة والدولة بتشتغل ليل - نهار علشان تحضر لكم مستقبل أكبر تنطلقوا فيه بأمالكم وكفاحكم ، كل ده ان شاء الله لازم يكون واضح وصريح ومع الدكتور حلمى لازم تخلصوه قبل افتتاح الجامعات وأنا مع رئيس جامعة الاسكندرية بلا شك . موقف جامعة الاسكندرية فيما حدث ، خاصة فى الاسكندرية بالذات كان موقف ممتاز اذا استثنينا شراذم قليلة من اللى فى كلية الهندسة ، أما اللى حاولوا يروحوا لكليات الطب والتجارة

والحقوق فلم يخرج طالب واحد معاهم وكان القصد التخريب أيضاً ، هذه المظاهرة مشيت وخرمت وكانت رايحة تاخذ الطلبة ما استجابتش لهم غير شراذم قليلة ، ولعل لوجود واحد زى عصمت فى كلية الهندسة ما يخلى انه البعض من كلية الهندسة هم اللى خرجوا بس . أما بقية الكليات قالت لا .. ولكن أنا باتفق مع رئيس جامعة الاسكندرية انه الحرية فهت خطأ ٧ - زى مايقولكم لن نراجع فى سيادة القانون ولن افتتح المعتقلات ولن أتنازل عن الحرية ولكن الضوابط لممارسة هذه الحرية لابد وأن تتصاعد مع الحرية كل ماتزيد الحرية ، كل ماتزيد الضوابط لممارسة هذه الحرية فى كل المؤسسات وزى ما قلت لكم دى مش قضيتنا واحنا كاشخاص - دى قضية مسئولية أمام الله وأمام شعبكم وأمام التاريخ استقلالكم مفهوم ، كل طلباتكم أنا شفط طلباتكم ، أنا بعنلى الدكتور حلمى وخاصة فيما يختص فى هيئة النواب واستخدام العملات الصعبة فى تحسين الاوضاع اللى داخل الجامعات من ناحية المستلزمات اللى مطلوبة للعلم والمعامل وغيرها - كله أنا موافق عليه وينبداً بداية سليمة واضحة محددة ، لا لبس فيها ولا غموض أمام الكل وأمام شعبنا وبإدعو الله سبحانه وتعالى أن يوفقكم علشان نخرج لهذا البلد اجيال تتحمل المسئولية بشرف وبصدق - وربنا بونتكم